

ХӨМРӨГ ҮҮСГЭГЧИЙН НЭРИЙН

ӨӨРЧЛӨЛТИЙН ЖАГСААЛТ

Д/д	Дээд байгууллагын шийдвэр, огноо	Оны хязгаар	Нэрийн өөрчлөлт
1.	БНМАУ-ын Сайд нарын Зөвлөлийн 1979 оны 389 дүгээр тогтоолыг үндэслэн Сангийн Яам, Ардын Боловсролын Яам, Улаанбаатар хотын АДХ-ын Гүйцэтгэх захиргааны хамтарсан шийдвэрээр	1980.07.01 – 1992.01.01	Октябрийн районы сургууль, цэцэрлэгийн нэгдсэн аж ахуйн төв
2.		1992.01.01–1997.04.31	“Асгат” Бүрэн бус хариуцлагатай компани
3.		1997.05.07-2006.07.01	“Асгат” Улсын Үйлдвэрийн Газар
4.	Нийслэлийн ИТХ-ын Тэргүүлэгчдийн 2006 оны 06-р сарын 21-ний өдрийн 154 дүгээр тогтоол, Нийслэлийн Засаг даргын 2006 оны 368 дугаар захирамжаар	2006.07.01-нээс өнөөг хүртэл	“Асгат” Нийслэлийн Өмчит Үйлдвэрийн Газар

ӨМНӨХ ҮГ

Өмнөх үг хөмрөг үүсгэгч байгууллагын болон архивын хөмрөгийн түүх, түүнчлэн хөмрөгийн баримтын агуулга, бүрэлдэхүүн, эрдэм шинжилгээний лавлах, тэдгээрийн товч тодорхойлолтыг агуулсан баримт бичиг юм.

Нэг.БАЙГУУЛЛАГЫН ТҮҮХ

1965 онд Улаанбаатар хотын хороодод шинэчилсэн зохион байгуулалт хийж 5 районыг байгуулж райодын АДХГЗ-нд Боловсролын хэлтсийг шинээр байгуулж хотын АДХГЗ-ны дэргэдэх Гэгээрлийн хэлтсийн харъяалалд байсан сургууль, цэцэрлэгийн нягтлангуудыг районы Боловсролын хэлтэст шилжүүлснээр Октябрийн районы боловсролын хэлтэс 8 нягтлантай, сантехникийн ажил хариуцсан 1 механик, цахилгаан шугам сүлжээ хариуцсан дунд мэргэжлийн монтёр 1-тэй ажилласан юм.

Нийслэл хотын эрэлт хэрэгцээгээр сургууль, цэцэрлэг нэмэж байгуулах шаардлага, хороолол баригдах ерөнхий төлөвлөгөөгөөр хотын 4 районд цэцэрлэг, сургуулийн тоо нэмэгдэж райодын боловсролын хэлтсүүд ЕБС, цэцэрлэгийн аж ахуй, санхүүг өдөр тутам удирдахад хүндрэлтэй болсноор 1970-аад оны эхээр байгуулагдсан санхүү аж ахуйн тасгийг 1980 онд мөн хэлтсийнхээ харъяанд сургууль цэцэрлэгийн нэгдсэн аж ахуйн төв болгох шийдвэрийг Улаанбаатар хотын АДХГЗ гаргаж уул төвийг район бүрт бие даасан байртай агуулах складтай, цэцэрлэг сургуулийг өдөр бүр хэрэглэгдэх хүнсний бүтээгдэхүүнээр хангаж, анхан шатны тооцоо тоо бүртгэлийг гардан хариуцдаг төв байхаар зохион байгуулсан.

Энэ шийдвэрийн дагуу Октябрийн районы АДХГЗ-ны Ардын боловсролын хэлтсийн харъяанд 34 ажиллагсадтай. үүнд: Дарга-1, ахлах ня-бо-1, тооцооны ня-бо-11, аж ахуйн нярав- 6, түгээгч ачигч, механик, слесарь, морь тэрэгчин, жолооч, үйлчлэгч, харуул, манаа, бичээч зэрэг үйлчилгээний 16 ажилтан ажилчидтай байгуулж районы 20 сургууль, / 73, 46, 28, 40, 13, 47, 22, 70, 51, 20, 38, 19, 9, 66, 12, 42, 65, 62, 67, 76 / , 15 цэцэрлэг / 34, 47, 55. 90, 79, 81, 23, 26, 11, 87, 86, 57, 66, 78, 84 / -дэд үйлчлэхээр зохион байгуулагдсан.

Ийм зохион байгуулалтанд орсноор сургууль, цэцэрлэгт ажиллаж байсан ня-бо, тэрэгчин, слесарь зэрэг албан тушаалын 42 орон тоог цомхотгосон. Тэр үеийн ханшаар жилд 304-348 мянган төгрөгийн хэмнэлттэй, зөвхөн 1980-1984 онд цалингаа хэмнэж байсан.

1983-1992 онд 3, 4, 1-р хороолол дуусч олон зуун хөдөлмөрчид суурьшсанаар хороолол дагасан сургууль, цэцэрлэгүүд ашиглалтанд орж аж ахуйн төвийн үйлчлэх хүрээ өргөжиж эрэлт шаардлага ихсэв. Үүнээс шалтгаалж сантехникийн засвар үйлчилгээний төвлөрсөн хэсэг ажиллуулж, санхүүгийн анхан шатны бүртгэл тооцоог шуурхай, үнэн зөв явуулах орчин үеийн цахилгаан, машин техниктэй болж өргөжсөн. 1980 онд анх байгуулагдаж байх үед 683 сая төгрөгийн үндсэн хөрөнгөтэй байсан бол 1991 онд 3 миллиард 412 сая төгрөг болтлоо өссөн юм.

9

Өмч хувьчлах, бүтэц зохион байгуулалтын өөрчлөлт хийх, төсвийн байгууллагын бие даасан байдлыг хангах, райодын ачааллыг тэнцүүлэх зорилгоор хотын томоохон 2 районыг хувааж Сүхбаатар, Чингэлтэй, Баянгол, Сонгинохайрхан болгож район гэдэг нэрийг дүүрэг болгон АДХГЗ-аас Дүүргийн Засаг даргын Тамгын газар болгон өөрчилж, захиргаадын орон тоо, Хэлтэс тасгуудыг хөдөлмөрчдөд ойртуулах, ажлын давхардах чирэгдийг арилгах зорилгоор Ардын боловсролын хэлтсүүдийг татан буулгаж сургууль, цэцэрлэгүүдийг дүүрэгт харъяалуулж аж ахуйн төвөөс үйлчлэх хүрээг тэнцүүлж Баянгол, Сонгино хайрхан 2 дүүрэгт тус бүрд нь 20-иод сургууль, 30-аад цэцэрлэг оногдсон. Баянгол дүүргийн аж ахуйн төвийг Асгат, Сонгино хайрхан дүүргийн төвийг Тахилт гэдэг нэртэйгээр ББХК болгон 1992 оны 10-р сарын 01-нээс зохион байгууллаа.

Сургууль цэцэрлэгийн нэгдсэн аж ахуйн төвийг байгуулсан 1980 оноос хойш тус төв, УҮГ, НӨҮГ-ыг Х.Баатархүү 1980 оны 3-р сараас 1981 оны 8-р сарын 01, Г.Бадамдорж 1981 оны 8-р сарын 1-нээс 1982 оны 8-р сарын 25, Бямбаа 1982 оны 8-р сарын 25-наас 1985 оны 3-р сар, Д.Гэндэншарав 1985 оны 3-р сараас 1992 оны 6-р сар, Р.Дондов 1992 оны 10-р сарын 1-нээс 1997 оны 04-р сараас Б.Ёндонсүрэн, 2011 оны 04-р сарын 22-оос 2013 оны 09-р сарын 06 хүртэл Ш.Гантөмөр, 2013 оны 09-р сарын 06-аас Д.Майцэцэг нар дарга, захирлаар томилогдон ажиллаж байна.

Тус "Асгат" НӨҮГ-нь 2014 онд нийт 21 ажилтан, ажилчидтай. Аж ахуйн материаллаг баазын хувьд бэхжиж, 794 толгой малтай, түрээсийн дулаан гараж ажиллуулж байна. Тус байгууллага нь жилдээ дунджаар 30 нэр төрлийн хоол хүнсний материал болон аж ахуйн бараа материал татан авч 432 сая төгрөгийн борлуулалт хийж, сургууль, цэцэрлэгүүдийн сантехникийн засвар үйлчилгээ болон цэцэрлэгүүдийн гал тогооны тоног төхөөрөмжийн засвар үйлчилгээг хариуцан хэвийн ажиллагааг бүрэн хангаж ажилладаг байгууллага юм.

Тус байгууллагын тоног төхөөрөмжийн механик нь Баянгол дүүргийн сургууль, цэцэрлэгийн эзэмшлийн актлах шаардлагатай сургалтын болон гал тогооны тоног төхөөрөмжүүдийг газар дээр нь үзэж эвдрэл, гэмтлийг тогтоож, актлуулах саналаа НӨХГ-т албан тоотоор явуулах ажлыг 2006 оноос хариуцан ажиллаж байна.

Мөн Монгол Улсын Шинжлэх ухаан технологийн их сургуулийг Хоолзүй, тэжээхүй ухаан мэргэжлээр төгссөн шинэ залуу боловсон хүчнийг 2007 оны 01 дүгээр сараас авч ажиллуулснаар цэцэрлэгийн хүүхдийн хоол хүнсний материал эрүүл ахуйн шаардлага хангасан эсэхэд байнгын хяналт тавих, эх орны хүнсний бараа бүтээгдэхүүн голчлон татан авахад анхаарлаа чиглүүлэн ажиллаж байна.

"Асгат" НӨҮГ-ын Нийслэл, дүүрэг хөгжүүлэх эдийн засгийн зорилтыг хэрэгжүүлэхэд оруулсан хувь нэмрийг үнэлж 1999 онд Баянгол дүүргийн "ИТХТ-ийн өргөмжлөл", 2002 онд Нийслэлийн Өмчийн харилцааны газраас харъяа байгууллагуудын дунд зарласан Тэргүүний Өмчит УҮГ шалгаруулах болзолт уралдаанд 2-р байр эзэлж НӨХГ-ын "Хүндэт итгэмжлэл", 2002 онд Баянгол дүүргийн Засаг даргын өргөмжлөл, 2001-2004 онуудад Баянгол дүүргийн "Хүндэт өргөмжлөл", 2007 онд Баянгол дүүргийн Засаг даргын Тамгын газрын "Тэргүүний хамт олон" өргөмжлөл, 2007 оны ажлаа дүгнүүлж манай байгууллагын захирал Нийслэлийн өмчийн харилцааны газрын "Шилдэг менежер" өргөмжлөлөөр мөн 4 хүн дүүргийн Хөдөлмөрийн аваргаар шалгарч, дүүргийн хүндэт дэвтэрт бичигдсэн ба 2013 онд ерөнхий нягтлан бодогч Д.Цэцэгмаа "Алтан гадас" одонгоор, ахлах нярав Д.Бадамсамбуу "Хөдөлмөрийн хүндэт медаль"-аар, тооцооны нягтлан бодогч